



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.27. Persecutio sub Arabibus.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII.
A. C. 756.

§. XXVII.

Persecutio sub Arabibus.

Theoph. an.
16. p. 361.

Id. an. 14.

Christiani in Oriente quoque ab Arabibus persecutionem patiebantur. Theodorus Patriarcha Melchita Antiochenus, Theophylacti Successor, cum eorum invidiam incurrisset, accusatus, quod sæpe ad Constantinum Imperatorem litteras daret, quibus eorum Republicam proderet, & proscribitus est in Regionem Moabitarum, patriam suam, jubente *Salem* Syriae Præfecto, *Ali* filio, Abdallæ fratre, & ex consequenti Califæ *Almanzor* Patruo. *Salem* etiam prohibuit, ne novæ Ecclesiæ ædificarentur, ne ullum signum Crucis publice exponeretur, & ne Arabibus fides Christiana prædicaretur. Agebatur tunc annus septingentesimus quinquagesimus sextus, Regni Constantini decimus sextus. Anno sequente 757. *Salem* Tributa Christianorum in singula omnino capita extendit, ita ut etiam a Monachis, ab Anachoretis & Stylitis ea exigerentur. Thesauros Ecclesiarum custodiri, & sigillum apponi jussit, quos Judæis a se accitis venderet; at coemerunt eos Liberti. Id de Libertis Ecclesiarum intelligendum arbitror. Præterea *Salem* viros sex, Persarum præcipuos, de Secta Magorum, ut sibi ab *Almanzor* imperatum erat, capi-

capite plexit. Hi quibusdam suæ nationis illudentes persuaserant, ut bonis suis omnibus venditis nudo corpore se de muris urbium suarum præcipitarent, concepta spe insana in cœlum volandi. Sed collapsi omnes colla fregerunt.

Sæcul. VIII.
A. C. 757.

Arabes item stimulante invidia prohibuerunt, ne Christiani Actorum publicorum tabulas conficerent; verum post breve tempus abrogata est lex ista, & ipsi coacti tabulas iterum Christianorum industriæ committere, cum ipsi, rudes admodum, notas arithmeticas formare nescirent. Abdalla quoque filius *Ali*, alterius Califæ *Almanzor* patris Christianos vexavit. Is prohibuit, ne litteras discerent, verisimiliter litteras Græcas, & ne noctu congregarentur in Ecclesiis, unde etiam Cruces auferri iussit. Ceterum non obstante Arabum persecutione, & regnante *Almanzor*, Emesi Ecclesia magnifici operis in honorem S. Joannis Baptistæ ædificata est, quo etiam Caput ipsius ex Monasterio cavernæ, ubi sub Marciano Imperatore anno 453. inventum fuerat, translatum est; quæ Translatio anno Constantini vigesimo, Jesu Christi septingentesimo sexagesimo, regnantis *Almanzor* quarto contigit.

an. 19.

Theoph.
an. 26.

Theop. an.
20. p. 360.

Sup. Lib.
XXVIII.
S. 43.

Biennio ante, nempe anno 758. Cosmo Patriarchæ Melchitæ Alexandrino

Eutyck. to.
2. p. 399.

Hist. Eccles. Tom. X.

S suc-

Sæcul. VIII.
A. C. 757.

successit Politianus, sedemque illam annis quadraginta sex tenuit.

§. XXVIII.

*Stephani Papæ obitus. Paulus Papa.**Anast.*

to. 4. Act.
SS. Ben.
p. 336.

Stephanus Papa S. Sedem non ultra annos quinque, & dies viginti octo tenuit. Sæpe Clericos in Palatio Lateranensi congregatos exhortabatur, ut Sacræ Scripturæ & librorum spiritualium lectioni strenue incumberent, unde sophismata hostium Ecclesiæ solide refutarent. Mense Martio ordinavit Presbyteros undecim, & Diaconos duos, per diversa autem loca Episcopos viginti. Tandem fatis functus vigesima sexta Aprilis, Indictione decima, anno 757. sepultus est ad S. Petrum. Vigesima sexta Febr. ejusdem anni Stephanus Papa Fulrado Abbati S. Dionysii concesserat Privilegium habendi Episcopum proprium, quem Abbas & Monachi eligerent, & Episcopi illius Provinciæ consecrarent, ut illi Monasterio aliisque a Fulrado fundatis præesset; quippe omnia illa Monasteria sub singulari Sacræ Sedis præsidio existebant.

Stephano Papa jam cum morte luctante divisus est populus Romanus, quibusdam Theophylacto Archidiacono faventi-